

Crimen Fori Ecclesiastici

Seu Decretalium Gregorii IX. Pont. Max. Liber V ; Brevi Methodo ad dissentium utilitatem Expositus, In quo praecipuae circa Materiam hujus Libri Quinti, quae tum in Theoria, tum in praxi occurunt, difficultates solvuntur, allatis etiam contrà sentientium fundamentis, & horum solutionibus

Accedunt tres Indices, unus Titulorum initio Operis, duo rerum, & verborum notabilium in calce ejusdem, prior quidem super Tomum præsentem, alter compendiosus super Universum Jus Canonicum

Schmalzgrueber, Franz

Ingolstadii, 1727

VD18 13510827-001

§. I. De Pœnis in genere.

[urn:nbn:de:hbz:466:1-75255](#)



PARS IV.

De Pœnis Delictorum.

Examinavimus hactenus Delicta Fori Ecclesiastici, & plerisque subjungimus poenas à Jure taxatas, quorum aliqua in Judiciali foro externo alia in-

terno seu Poenitentiali imponuntur: utramque natura in Parte hac quarta Libri presentis est explicanda.

TITULUS XXXVII.

De Pœnis.

Pœnarum, quas Ecclesia injungit delinquentibus, aliquæ Vindicativæ, aliquæ Medicinales sunt: de posterioribus agetur *tit. 39.* de prioribus, in qua-

tum pertinent ad forum externum, in Titulo præsenti sermo præcipuus: prius tamen aliquid dicetur de Pœnis in genere.

§. I.

De Pœnis in genere.

S U M M A R I U M.

- 1. Definitio Pœnae.
- 2. 3. Requisita, ut justè imponatur.
- 4. Ejus diversa acceptio.
- 5. Et divisio.
- 6. Conventionalis à quo solvit debeat?
- 7. &c. An tota pœna Conventionalis solvit debeat ab eo, qui contractum observavit ex parte tantum?
- 11. &c. Varie Subdivisiones Pœnae Vindicative.
- 15. &c. Quodnam fit Subjectum Pœnae?
- 23. &c. Quoties delinquens puniendus?
- 26. &c. Quid Judici in infligenda pœna sit attendendum?
- 31. An Judex loco pœnae ordinarie possit imponere extraordinariam, vel eam omnino remittere?
- 32. &c. Quid circa remissionem, vel mitigationem pœnae possit Supremus Princeps, aut Status Imperii, jus aggravandi habens?
- 36. &c. Quid Judex inferior, cui jus aggravandi non competit?
- 44. An debeatur à reo pœna in conscientia ante sententiam?
- 45. Quando debeatur pœna Conventionalis?
- 46. &c. Quando pœna ipso Jure lata?
- 54. &c. An, quando Lex ipso Jure imponit publicationem bonorum, reus ante sententiam declaratoriam statim amittat illorum dominium?
- 60. &c. Quid operentur verba absque alia declaratione, vel nulla monitione prævia, addi non raro solita in Legibus, quæ Jure, & facto ipso privant rebus ante possitis?
- 63. &c. Quas pœnas teneatur executi delinquens post latam sententiam?

Quæ-

Quartatur 1. quid sit **Paena** in genere? 2. juxta S. Aug. relatum can. paenitentia s. §. paena de Paenit. dis. 3. est **lesio**, que punit. Et vindicat, quod quique committi: vel ut eam ex Cujacio definit. Zœf. ff. b. tit. n. 1. est Delictorum, sive Criminum coercitio, sive vindicta, inducta ad dissipatione publicæ emendationem.

Ut justa sit hæc coercitio, requiritur 1. honestus finis: talem habebit: si non quiescat in nudo malo alterius, sed eò tendat, ut vel reus emendetur, vel, si noluerit se emendare, reddatur inhabilis ad peccandum, vel ut scandalum scelere datum exemplo poenæ reparetur. Magnif. P. Schmier p. 1. de Delict. c. 3. n. 15. 2. auctoritas publica; cum enim ex una parte coercitio tendat ad utilitatem publicam, ex altera vero non expedit cuilibet privato potestatem coercendi concedere, necessarium est, ut poena ab eo dicitur, qui publica ad hoc auctoritate instrutus est. Magnif. P. Schmier l. cit. n. 16. 3. **proportion**, & **aqualitas**, ut in eo gradu se conueniat, in quo malitia delinquentis erat posita: cons. propositio ista debet esse non Geometrica, sed Arithmetica; cum enim gravitas poenæ debeat correspondere gravitati culpæ, non minus in poenarum qualitate observari debet proportio Arithmetica, & aequalitas rei ad rem, quam in Contractibus, & ceteris actibus Justitia communativa. P. Schmier l. cit. n. 18.

Neque obstat, quod l. in servorum 1. b. pr. & l. capitalium 2. §. fin. ff. b. tit. jubeantur gravius castigari Servi, quam homines ingenui; si que habeatur respectus ad personas, & observari videatur proportio Geometrica, ut arguit Ant. Maith. de criminib. ad libr. 4. tit. 18. c. 4. n. 7. Nam hoc ideo fit, quia vel Delicta servorum atrociora sunt Delictis ingenuorum, vel quia poenæ, que respectu hominum liberorum sunt graves, respectu vilium sunt leves, cum illi cruciati corporis, illi infamia, & alii animi doloribus acerbius crucientur. P. Schmier l. cit. n. 19. §. 20.

Quæratur 2. quotupliciter possit accipi Poena? 3. accipi potest tripliciter. 1. latè, prout includit etiam Medicinales. 2. strictè, prout Medicinales quidem excludit, includit tamen Poenas Civiles. 3. strictissimè, prout includit solam Vindicativam: & huic tanquam illi, quæ propriè poena solidum est, convenit Definitio n. 1. data; nam Poenæ ille, quæ Civiles merè sunt, propriè poenæ non sunt, utpote quæ non publicæ disciplinæ emendationem, sed privatam satisfactiōnem spectant.

Poena ergo **Vindicativa** est, quæ ad vindictam publicam, **Civili**, quæ ad

satisfactionem privatam tendit. Et hæc posterior triplex est, **Legalis**, quæ à Legi, **Judicialis**, quæ à Jūdice, **Conventionalis**, quæ mutuo partium consensu imponitur, & apponitur Contractui, ut is firmius obseretur. Et quidem, quod hujusmodi poena conventionalis apponit post Contractui, eaque exigi, certum est ex c. constitutus 7. b. tit. & docet ibid. Abb. n. 2. §. 3. Zœf. bic n. 2. Pirthing n. 12. & alii paucim.

Incumbit obligatio solvendi poenam 6 Conventionalem illi, qui contractui contravenit c. dilecti 4. de arbitr. & l. si pacto 14. c. de Paſt. nisi & alter eidem Contractui contravenerit; tunc enim obligatio solvendi poenam in utroque cessat c. constitutus cit. Gloss. ibid. V. utramque. Hofl. V. eod. Pirthing bic n. 12. Engl. ibid. n. 1. quia pars delecta quoad poenam privatam mutua compensatione tolluntur c. fin. de adult. & l. si ambo 10. ff. de Compensat.

Difficultas est, an is, qui Contractui 7 observavit ex parte tantum, satisfaciat, si partem poenæ solvat, an vero obligetur ad totam poenam solvendam, tanquam si nulla ex parte fletisset contractui? Casus est: Titius mutuos accepit 100. fl. à Cajo, cum pacto, ut intrat annum restituat summam integrum, vel si non solverit, in poenam mora Cajo pendat 10. fl. transacto anno, Titius solvit 100. duntaxat, quæstio est, utrum poenæ nomine teneatur solvere 10. tanquam si nihil solvisset; an vero satisfaciat, si solvat quinque?

Rationem dubitandi faciunt ex una 8 parte l. stipulationum s. §. fin. ff. de V. O. L. in executione 85. §. item §. 6. ff. eod. & l. bæredes 25. §. idem juris 19. ff. famili. bercisc. ubi jubetur totam poenam solvere, qui sortem non solvit integrè. Ex altera vero parte c. suam 9. b. tit. ex cuius textu tali caso solum manet obligatio solvendi poenam cum proportione ad partem debiti, statuto tempore non exsoluti, & Episcopo, poenam integrum petenti, silentium imponitur. Ob hunc posteriorem textum nonnulli cum Gloss. ibid. V. persoluti, Innoc. in c. cit. Abb. n. 6. Berojo in c. dilecti cit. n. 82. putant Jure Canonicco correctum rigorem Legum Civilium cit. Sed quia in c. cit. Pontifex ne verbo quidem meminit de ulla correctione Juris Civilis, neque hujus dispositionem improbat, hinc merito factam aliquam hujus Juris correctionem negant Sarment. l. 5. select. c. 6. n. 11. Fachim. l. 10. contr. c. 63. Zœf. in l. stipulationum cit. n. 5. Barbos. in c. cit. n. 13. Wiesner bis. n. 6. Hinc melius cum his

Distinctio sit inter poenas, utrum 9 individua sit, an vero dividua, Si individualia

O 3

vidua est ; solvi debet integra , etiam si contractus ex parte sit observatus . Si vero dividua sit , videndum , an Contractus non sit observatus ex parte notabili , an scilicet in minima . Si *primum* , & poena secundum Leges sit moderata , alter , qui observavit Contractum , petere potest integrum . Si *secundum* , aequitas postulat , ut integra poena non exigatur , preferat à Clericis , & Episcopis , quos Ecclesia ab omni avaritiae , & sordidie specie vult esse remotos .

10. Quæritur 3. quotuplex sit Poena Vindicativa ? *Et* variae sunt istius Divisiones ; nam 1. dividitur in Personalem , Realem & Mixtam . *Personalis* est , quæ tantum personam afficit : & talis poena est incarceration , detrusio in Monasterium , Depositio , verberatio , relegatio ad tristes &c . *Realis* est , quæ in odium personarum rebus imponitur , ut cum reus privatur Beneficio , cum mulcta pecunia ei imponitur , aut omnino confiscantur illius bona &c . *Mixta* denique est , quæ partim est personalis , partim realis , ut Interdictum , Relegatio , Proscriptio in exilium &c .

11. 2. In Ordinariam & Extraordinariam , seu Arbitrariam . *Ordinaria* est , quæ Lege , Canone , vel Consuetudine praescripta est ; *Extraordinaria* , sive *arbitraria* , quæ nulla Lege , Canone , vel Consuetudine definita est , sed Judicis arbitrio , secundum personarum , & delictorum qualitatem imponitur . Tiraquell . in l . si unquam 8. V. revertatur . C. de revocand . Donat . n . 5. Stur . l . 5. de LL . c . 7. n . 1. Wiesn . hic n . 8. Magni . P. Schmier p . 1. de Delict . c . 3. n . 21. & alii passim . Ex Ordinariis aliquæ infliguntur ipso Jure , ta , ut ipso facto , quo crimen patratur , contrahantur etiam ante sententiam condemnatoriam Judicis ; alia sententia Judicis , qui reum ad eam secundum Leges Statuta , vel Consuetudinem condemnet , indigent .

12. 3. In Positivam , & Negativam . *Positiva* est , quæ ad sui executionem exigit actionem , sive dein actio ista facienda sit ab ipso delinquente , sive ab alio tertio , ut est flagellatio , exilium , solutio poenæ , mutilatio membra , privatio vita &c . *Negativa* , quæ in negatione , vel amissione consistit , quales sunt privatio beneficii , officii , usus Ordinis , fructuum ; item omnes inhabilitates , irritations , & annulationes actuum &c , in poenam delicti decretæ . Palaio ir . 3. D . 2. p . 1. n . 1. Pirh . hic n . 3. Wiesn . ibid . n . 9.

13. 4. In Capitales , & non Capitales . *Capitalis* poena est , quæ infert reo mortem aut naturalem per ablationem vitae , aut ciuilis per ademptionem libertatis , vel Patriæ :

hujus species sunt ultimum supplicium , quo duntaxat intelligitur poena mortis naturalis l . ultimum 22. ff . b . tit . damnatio ad metallum , deportatio : quibus æquiparatur perpetuum exilium , & Bannus Imperialis . *Non Capitales* sunt , quæ non ad capitum pertinunt , sed ad existimationem pertinent l . capitalium 28. § . cetera 1. ff . b . tit . sive quæ quis , salvâ vitâ naturali , & civili , i.e. libertate , & civitate , coeretur : & hoc modis diversi fieri potest in bonis , in corpore , vel in statu delinquentis : & hinc

5. 5. Poenæ non Capitales aliae sunt , quæ afficiunt animum ; & tales sunt illæ , quibus delinquentis status diminuitur , aut infamia eidem irrogatur per Dignitatis , aut publicæ existimationis ademptionem . *Aliae* , quibus affligitur corpus , ut sit per incarcerationem , abstinentiam , fustigationem , recissionem narium &c . & ha corporales dicuntur . *Aliæ* respiciunt bona delinquentis externa : & quidem si pecuniam illius , *Pecuniarie* appellantur : qualis est mulcta , non parti , sed fisco applicanda ; si vero res , & Jura alia , ab ipsis nominentur : & hinc aliqua ex illis *Spirituales* vocantur , quibus nempe delinquentis Officio Spirituali , vel ipsius , aut SS . Ordinum usu , & exercitio vel in perpetuum , vel ad tempus privatur , vel ad inhabilis redditur , ut sunt Degradatio , Depositio , privatio Beneficii , sepulture Ecclesiastica , Vocis activæ , & passivæ in Elecione ad Beneficia &c .

Quæritur 4. quodnam sit Subjectum poenæ ? *Et* est homo vivens , & delinquentis . Dux 1. *Homo* ; nam bruta , sicut ob rationis defectum Juris , obligationis , & culpæ sunt incapacia , ita poenam proprie dictam pati non possunt . Magni . P. Schmier p . 1. de Delict . c . 3. n . 26. Neque obstat , quod aliquando flammis exulta , vel alio mortis genere perempta legantur ; nam id factum est in detestationem criminis , cuius homines complices se fecerunt , vel in confusione & afflictionem Dominorum , qui animalia sua melius non custodierunt . P. Schmier l . cit . n . 27. Addi potest teria ratio , ut hujusmodi animalia cessarent esse noxia .

Dux 1. *Vivens* ; nam crimina cum morte nocentium extinguntur can . quorundam 14. dist . 33. l . defuncto 6. ff . de Publ . Judic . & l . fin . C. si reus , vel accusator &c . cons . cadavera mortuorum ad supplicium rapi nequeunt , neque poena de defunctis repeti P. Schmier n . 28.

Excipitur 1. si poena pecuniaria , viente adhuc delinquente , lata est , nec per appellationem suspensa ; tunc enim solvi illa ab hereditibus deberet , cum jus ad illicam per ipsam sententiam quæsumum sit fisco . l . ex judiciorum 20. ff . de Accusat .

Excipitur 2. crimen repetundarum, & perduellonis; nam ob ita delinquentium bona etiam post mortem eorum confiscantur *l. ex Judiciorum cit. l. ff. & l. fin. pr. C. ad Leg. Jul. Majest.* ubi statuitur, quod etiam post mortem non centum hoc crimen inchoari possit, ut con victo mortuo, memoria ejus damnetur, & ejus bona successori ejus eripiatur.

17 **Excipiuntur 3.** Hæretici, Excommunicati, & aliorum quorundam delictorum rei, quibus mortuis, nisi se DEO, & Ecclesia antea reconciliaverint, negatur Sepultura Ecclesiastica, prout dictum est *Libr. 3. Tit. 28. a n. 49.* quibus adde alia quedam delicta, ob quæ ultimo supplicio affectorum, licet poenitentes decesse rent, corpora ad majorem alii terrorem incutendum in loco publico suspensa, & inhumata ex consuetudine passim recepta relinquuntur: quam consuetudinem non improbandam dixi *l. cit. n. 69.* Imò aliquando nocentes terrâ mandati rursus ex humantur, & suspenduntur è patibulo, implicantur rotæ, aut igne consumuntur; vel ubi cadavera eorum haberi non possunt, in derestationem criminis ea executio fit in eorum effigie, si primum post mortem de enormi illorum facinore constare cœperit. *Carpzov. pract. crim. q. 131. n. 28. & seqq. P. Schmier l. cit. n. 33.*

18 Dixi 3. delinquens; quia poena sequitur ad culpam. Atque hinc sequitur, quod alius pro alio per se loquendo puniri non possit; quia poena suos tenet autores, neque ultius contra eos progreditur, qui procul sunt à delicto *l. Sancimus 22. C. de pen. Covar. l. 2. var. c. 8. n. 7. Farin. prax. crim. q. 24. n. 1. Palao tr. 3. D. 2. p. 6. n. 1. Magnif. P. Schmier c. 3. cit. n. 34.*

Dixi per se loquendo; nam si sub sit specialis causa, vel bonum commune hoc exigat, potest innocens secundum se, ob connexionem, quam cum nocente habet, poenâ affici, & gravamen sustinere. *Et ratio est,* quia eti poena nunquam inferatur sine culpa, & ordinariè requiratur culpa propria, juxta regulam, *sine culpa non est aliquis puniendus c. fine culpa 23. de R. J. in 6.* id tamen intelligendum duntaxat est, nisi sub sit causa, ut in Reg. cit. additur; nam aliquando inferri potest sine culpa puniri, sed tamen non sine causa. *Sylv. V. Pœna n. 1.*

19 Estque hoc receptum utroque Iure, etiam Canonico; sic enim qui Episcopum suum occiderit, non tantum ipse omnia, quæ ab Ecclesia obtinet, amittit, sed etiam liberi illius usque ad quartum gradum ab Ecclesia, & illius Beneficiis ar centur *c. ad aures 10. & c. in quibusdam 12. b. tit.* Eodem modo poenæ, in Hæreticos, & leæ Majestatis reos statuta, à

parentibus ad filios transeunt, ut statuitur *c. vergentis 10. de Heret. c. statutum 15. eod. in 6. l. quisquis 5. §. filii 1. C. ad Leg. Jul. Majest.* & tradunt ibi DD. Ratio autem, quod ad filios etiam poenæ parentum extendi possint, est multiplex, præcipue verò duæ istæ, partim quia filii sunt aliquid Patris, & commune bonum exigit, ut ad terrorem aliorum in atrocioribus hujusmodi delictis parentes non tantum in se, sed etiam in filiis puniantur; partim quia timetur, ne filii indolem parentum, & peccata imitentur, & sic in illis remanet præsumptio paternæ malitiae.

Si delinqusat Universitas, seu Com. 20 munitas, refert, an omnes sint culpabiles, an major pars, an aliqui tantum. Si primum, omnes puniri possunt, plerumque tamen poena eorum non debet esse æqualis; quia nec æquale omnium solet esse delictum, cum delinquere non soleat multitudo, nisi à seditionis capitibus, & sceleratis coryphæs fuerit impulsa, atque commota. Accedit, quia in tali Communitate plerumque continentur etiam pueri, mulieres, plebeji &c. qui cum consiliorum publicorum expertes sint, non eandem, quam viri Senatores, Consules, docti &c. malitiam contrahunt. Quare hoc casu potius in Authores, & primores sceleris ultore gladio saviendum erit, cateri verò eti puniri possint, & debeant in bonis fortunæ, non tamen in vita, vel membris; quia ut *can. ordinationes 5. caus. 9. q. 1.* loquitur Pontifex, ubi multorum strages jactet, ibi subrabendum est aliquid severitati, ut addatur amplius charitati. *P. Schmier l. cit. n. 35. & duob. seqq.*

Si secundum, non minùs, quam in primo casu, puniri tota Communitas potest; & si delictum sit unum ex atrocioribus, tota Civitas, vel Provincia, quamvis multi in ea sint innocentes, & devastari, velut exempla habemus in *S. Script. Deut. 13. v. 12. & seqq.* si enim ob Hæresin, aut perduellionem parentum innocentes Liberi famâ, fortunisque spoliantur secundum dicta n. 19, multo magis innocui Civis bonis privari poterunt, si major Civitatis pars excecerit, eò quòd major pars partem minorem quoad commoda, & incommoda repræsentet. Dixi bonis privari poterunt; nam in vita, vel corpore sola delinquentium capita sunt coercenda, cum non æquale potestatem Resp. in vitam, & membra, qualem in res & fortunas, subditorum suorum habeat, & intrinsecè malum sit innocentem, qui talis esse cognoscitur, privare vitâ, vel integritate membrorum suorum. *P. Schmier n. 38. & 39.*

Si tertium, singuli delinquentes, absque prejudicio Communatis singulari poenâ plectendi sunt *l. quis 7. §. fin. ff.*

de Jurisd. I. ita vulneratus s. i. ff. ad Leg. Aquil. l. vulgaris 21. §. si duo 9. ff. de furt. Conf. crim. Carol. V. art. 148. Ant. Matth. de criminib. ad Libr. 48. tit. 18. n. 30. Br un. de Imper. mer. c. 1. §. 6. n. 28. Glestle Jurispr. terribil. p. 1. c. un. §. 3. n. 30. P. Schmier l. cit. n. 40. Quandoque tamen inter ejusdem delicti reos, quis ultimi supplicii poenam afficiendus sit, sortitione determinatur, prout fieri assolet inter plures milites tumultuantes, aut ordinem, vel signa deserentes, ubi plures, vel pauciores, quos sors infasta tetigerit, rapiuntur ad furcam, vel aliud supplicium capitum Lauterbach b. tit. ff. 16, nam, ut Imperator Novell. 30. c. 12. pr. monet, summa quedam humanitas est, cum multi paucorum animadversione salvantur. P. Schmier l. cit. n. 41.

23 Quæritur s. quoties delinquentes puniendus sit? R. roties, quoties iterat delictum. Ita Covar. l. 2. var. c. 10. n. 8; & quod vero, Vallens, hic §. 1. n. 3. Pirhing n. 4. König n. 10. Sumitur ex c. ea, que i. b. tit. ubi dicitur: Ea, quæ frequenti prevaricatione iterantur, frequenti sentientia condemnentur. Et ratio est, quia quones iteratur idem crimen, non in continenti, sed ex intervallo, est novum, & distinctum delictum; adeoque puniri iterum debet.

24 Dxi, non in continenti, sed ex intervallo, nam textus ille, & nostra assertio solùm intelligenda est, ut bene monet Covar. l. cit. cùm iteratur crimen momentaneum ex intervallo. Unde in crimini bus successivis, ubi delictum iteratur contra eandem personam, ut sit in adulterio, fornicatione, concubinatu &c. nisi interruptio interveniat; aut crimen jam semel deductum ad judicem, & ab hoc punitur sit, in ordine ad poenam censetur esse unum peccatum, & cons. unâ poenâ, licet graviori, est puniendum. Gieff. in l. vulgaris V fuerit ff. de Furt. cuius opinio, teste König l. cit. omnium calculis communiter recipitur, sive deinde poena sit capitalis, sive alia iterabilis.

25 Addidi, idem crimen; nam si aut per unum actum, aut in uno continuo actuum diversa committantur crimina, ut quis rem suam alteri surripiat, & eadem occasione percutiat, injuriam inferat, vulneret, aut occidat proximum, DEUM blasphemet &c. poena non tantum furti, sed etiam injuriarum, homicidii, & blasphemiarum tenebitur l. nunquam 2. ff. de privat. delict. l. illud 32. §. si idem 1. ff. ad Leg. Aquil.

26 Quæritur 6. quid Judici in infligenda poena sit attendendum? R. maximè considerabit circumstantias: & i. quidem qualitatem Delicti; nam aliter punitur vis publica, alter vis privata l. de vi privata 1. ff.

ad Leg. Jul. de vi privat. & tot. tit. ff. ad Leg. Jul. de vi privat. item aliter animadvertere in reum furti manifesti, aliter in eum, qui reus est furti non manifesti §. poena s. infra de oblig. que ex delict.

2. Tempus, locum, & eventum; nam tempus delicti commissi facit, ut aliter puniendus sit fur nocturnus, quam fur diurnus l. itaque 4. §. lex 1. ff. ad Leg. Aquil. locutus facit, ut idem fur tum, vel Sacilegium aliquando sit puniendum capire, aliquando minore supplicio can. quicquid 21. §. Sacilegium caus. 17. q. 4. Eventus facit, ut alter puniatur crimen factum, aliter crimen folium intentum; intentio enim criminis, etiam si in actu propinquum exierit, non habetur pro facto, nisi in quibusdam valde enormibus.

3. Qualitatem personae delinquentis; nam ut Decius in c. 1. deleg. Bald. in l. un. C. de Rapt. Virg. Covar. l. 2. var. c. 9. n. 4. König b. n. 12. advertunt, deferendum est Dignitati, aut nobilitati eius, qui deliquit: & ratio est, quia aliquando eadem poena respectu Nobilis major, respectu ignobilis minor est, & vicissim. Hinc poenam pecuniariâ gravius puniendus est Nobilis, aut in Dignitate constitutus, quam plebejus; è contrario poenam corporali idem Nobilis est coercendus mitius l. aut facta 16. §. persona 4. ff. b. tit. l. sacrilegi 6. ff. ad Leg. Jul. peculat, quia à Nobili, cùm ditores hi sint plurimè, pecuniaria poena minus sentitur, magis vero corporalis. igitur hæc modera, illa vero est agravanda supra id, quod alias in plebejos decerni solet.

4. Quantitatem damni illati, & deliberationem, quâ delictum commissum est; nam ob defectum deliberationis, aut perfectæ deliberationis sâpe evitatur omnino poena, cùm maleficia tum solùm puniantur, cùm ex corde committuntur can. illi 6. caus. 15. q. 1. Gloff. in c. 1. de Convers. Conjug. sâpe poena, qua alias gravior secundum Leges imponidebet, diminuitur, prout dicetur infra n. 41. Ob quantitatem autem diversam, qui ovem surripit, fur tantummodo; qui gregem, Abigeus dicitur, & diversâ poenâ, quam fur, afficitur l. aut facta cit. l. de abigeis 1. & l. ff. ff. de abig.

5. Qualitatem certitudinis quâ delinquentem poenam obnoxium esse constat; nam si in Jure, vel in facto occurrat dubium, an crimen commissum, vel qua poena puniendum sit; Juxta regulariter semper in partem mitiorem inclinare debet, nisi concurrentes circumstantiae aliud suadeant l. perspicendum 11. l. interpretatione 42. ff. b. tit. Ex quibus ducitur Regula generalis, quod in Legibus poena libus ea interpretatione sit adhibenda, ex qua pp.

poenæ potius mitigentur, quam exasperentur. Hinc si de Jure Canonico poena Depositionis statuatur cuidam criminis, id non de Degradatione, sed de simplici tantum Depositione accipendum est. Item quando in Jure Civili poena capitalis decernitur, hoc aliquando non de vita naturali amissione, sed Civilis tantum, i.e. de mortationis, vel exilio intelligi debet, teste Harppr. tit. de injur. §. 1. n. 161. Begnudel. V. paena n. 5. Engl. bic n. 18. Reiffenstuel ibid. n. 13.

30. Denique suam ipse personam spectare Judex in poena inferenda debet; nam alia poenæ decernuntur à Judice Laico, alia ab Ecclesiastico, qui nunquam irrogare poenam sanguinis reo potest c. clericis 5. & c. sententiam 9. ne Cler. vel Monach. Et hinc quando ipsi vel ex delegatione Principis, vel alio iure competit cognitio criminis, quod poenam sanguinis petat, eam remittere debet vel ad ipsum Principem, vel alicui Judici Laico illam demandare c. in Archiepiscopatu 4. de Raptor.

31. Quæritur 7. an Judex teneatur imponere Poenam Ordinariam, quæ Jure statuta est, vel utrum illius loco possit substituere aliam, & decernere extraordinariam, vel omnino ipsam remittere? certum est; poenam ordinariâ minorem imponi Delicto posse à Principe supremo, cuius Legi poena ordinaria sancta est; hic enim cum Legi sua superior sit, eamque à propria voluntate pendente habeat, relaxare eandem potest; cons. illam Poenam, quam Legibus suis delicto sanxit, vel omnino remittere, vel eidem substituere arbitriam, ut communiter docent DD, in l. nulla 25. ff. de LL. Idem dic de inferiore Judice, qui jus aggratiandi, vel remittendi poenas ex privilegio, vel consuetudine habet, prout hodierno tempore habent Principes, & Status Imperii; cum enim vi Superioritatis territorialis Leges communes immutare possint, possunt etiam reis veniam poenæ concedere, vel eam in minorem convertere. Carozov. præt. crim. q. 150. n. 19. & seqq. Engl. bic n. 3. Reiffenstuel ibid. n. 8. Magnif. P. Schmier p. 1. de delict. c. 3. n. 66.

Dub. 1. est, utrum Supremus Princeps, aut Status Imperii jus aggratiandi possint exercere in Delictis etiam illis, quibus in Lege Divina Veteris Testamenti poena capitalis prefixa est, quale est Homicidium, quod Gen. 9. v. 6. Levit. 24. v. 17. Exod. 21. v. 12. morte puniri jubetur? Negant Petr. Heig. p. 2. q. 24. n. 42. Carozov. præt. crim. q. 150. n. 31. & seqq. Reinking l. 1. class. 5. c. 6. n. 206. Vitrar. Inst. jur. Publ. l. 3. tit. 17. n. 114. & seqq. Pfeffinger ibid. ad n. 112. lit. A. & ple-

rique Jcti Acatholici. Rationem dant, quia Princeps inferior (qualis respectu Legis Divinæ est quicunque Legislator, & Judex humanus) non potest abolere Legem superioris, prohibentis v. g. misericordiam cum homicidis, & sanguinem pro sanguine reposcens. Conf. quia alias posset Princeps etiam absolvere nocentem, quod est absurdum.

Sed tenenda est sententia affirmativa, quam post S. Thom. Major. Felic. Alphonse de Castro etiam tenet Covar. l. 1. var. c. ult. n. 8. perperam à Carpzovio in contrarium allegatis, & plures alii, quos sequitur Magnif. P. Schmier p. 1. de Delict. c. 3. n. 73. Ratio est, quia poenæ criminum, à DEO in veteri Lege constituta, non pertinebant ad Leges morales, seu naturales; quantumvis enim Lex naturæ jubeat, ut fontes puniantur, genus tamen, quantitatem, & qualitatem poenæ non determinat: sed pertinebant solum ad Leges positivas, & Judiciales, pro commodo, & statu Reip. Judaicæ fancitas. atqui Leges Judiciales veteris Testamenti amiserunt virtutem in novo Testamento c. un. de purific. post part. igitur quando Princeps poenam mortis Homicidæ condonat, nihil agit aduersus Legem Divinam, sed in Legem tantum humana dispensat.

Potest igitur Princeps etiam in Delictis, quibus Lex Divina antiqui Testamenti poenæ certas fancivit, & in quibuscumque alii sui fori iure aggratiandi uti, non tamen pro libitu, sed cum ratione, & discretione, ut cum Svveder. Introd. ad Jus Publ. part. spec. sec. 2. c. 14. n. 937. advertit Magnif. P. Schmier p. 1. de Delict. c. 3. n. 79. Hinc ut rectè utatur Princeps hoc Jure, notare tria haec debet. 1. In condonandis suppliciis non debet esse nimium facilis, & frequens, ne crimina faciliora, & frequentiora, reddat. 2. rarius ex integro debet poenam remittere, quam in aliam, & mitiorem commutare; quia obligatio puniendi resultat ex jure naturali, quavis modis puriendi dependeat ex norma Legis humanæ. Et hinc 3. nunquam relaxabit poenam à Legi statutam, aut eam in arbitriam commutabit sine causa, quamvis ad commutationem hujusmodi sufficiat levior, quam ad relaxationem omnimodam faciendam; inquit ut valida sit dispensatio, sufficit arbitrium illius & voluntas, et si nullam habeat dispensandi causam: in quo tamen cavendum est, ne vel Jus publicum, vel alicuius privatum sic indulgendo lœdat. Ut vero licet dispenseat. 4. pro Regula, ad cujus amissim gratia quantitatem, & qualitatem examinare poterit, considerabit causas, ex quibus Magistratus inferior poenam temperare potest; nam ex iisdem causis poterit Princeps

ceps Jure aggratiandi uti P. Schmier l. cit. n. 80. § 81.

§ 5 Ad Argumentum contrarium n. 29. allatum patet ex dictis n. 30. Deinde retorqueri potest in ipsos Adversarios; nam ipsi concedunt Jus aggratiandi supremo Principi saltem in Delictis, quibus poena statuta est per Jus positivum humanaum. atqui si argumentum allatum probaret aliquid, non posset eo Jure uti Princeps; eum enim Lex naturalis, & Divina sine distinctione praecepit D. ut. 21. maleficum non patieris vivere, & Rom. 13. dicatur de Judice, Non sine causa gladium portat, vindex in iram illi, qui male agit, sequeretur, quod Princeps relaxando poenam etiam pro his delictis, solveret Jus Divinum, & Naturale. Ad Conf. aliud est absolvere à poena delicto debita, aliud absolvere à delicto, & declarare innocentem, qui revera nocens est: hoc posterius absurdum est, non verò prius, cum à supra Principis potestate dimanet.

§ 6 Dub. 2. an etiam Judex inferior, cui Jus aggratiandi non competit, pro Ordinaria poena infligere arbitriariam possit? Rationem dubitandi facit 1. authoritas S. Augustini Epis. 158. ubi, soleo, inquit, audire, in potestate esse Judicis mollire sententiam, & mitius vindicare, quam Leges jubent. 2. praxis; videmus enim, quod aliquando Judices etiam inferiores poenam minuant, aliquando verò augent ultra taxam Legis, ergo signum est, quod non teneantur servare Leges in hac parte. 3. ratio; si enim Judex inferior pro Ordinaria non potest substituere poenam mitiorem, inutilis, &vana, in modo illicita foret interpellatio, quā apud Judicem saepe insistitur pro reo ad poenae remissionem, vel ad ejus mitigationem.

Sed his non obstantibus, dicendum a Judice inferiore, per se loquendo, reis legitimis convictis de crimine, infligendam poenam Ordinariam. Ita S. Thom. 2. 2. q. 67. art. 84. Suar. l. 5. de LL. c. 11. n. 2. Palao tr. 3. D. 2. p. 5. n. 2. Vallenf. bic §. 1. n. 2. Zœf. n. 15. Pirh. n. 3. Engl. n. 3. König n. 13. Wieschner n. 11. Reiffenstuel n. 7. Magnif. P. Schmier p. 1. de Delict. c. 3. n. 23. & constat ex l. accusatorum 1. §. quorum 4. ff. ad S. C. Turpili, ubi Marcianus, facti quidem, inquit, questionis in arbitrio judicantis est, sed poenae persecutio Legis autoritatis reservatur, adeò ut, si Judex inferior crimen apud se probatum distulerit, seu omisserit, vel impunitate donaverit, aut molliorem, quam prestita sit, poenam protulerit, gravissimam sit notandus, quemadmodum dicitur l. Servos 8. § fin. ff. ad Leg. 7. al. de vi publ. vel privata.

§ 8 Ratio est 1. quia inferior potestas immutare, & corrigerne nequit Legem su-

perioris 1. cùm inferior 16. de major. & Judici non licet judicare de Legibus, sed secundum illas can. in istis 3. dis. 4. c. canonum 1. de Confit. Leges enim poenam jam commenstrarunt delictis. 2. si Judex infligeret poenam aliam, tunc vel illa esset major, quam Leges statuant, vel minor illa, si major est, injuriarum facit reo, plus ab ipso exigendo, quam ille per Leges debeat. si minor, tunc vel est poena pecuniaria applicanda parti læsa, & cons. diminutio poenæ fieret in præjudicium partis læsa; vel est mera vindicta, & tunc eti si injuria adversus personam singularem committatur nulla, committitur tamen adversus Remp. contra cujus commune bonum est delicta manere impunita, vel minus punira, quam oporteret. 3. Leges, quibus decernuntur poenæ, non feruntur tantum, ut instruant Jūdicerū, verū etiam ut obligent ad imponendam poenam, cuius signum est, quia concepta sunt verbis imperativis, & ratio etiam probat, quia alias efficaciam, à Legislatore intentam, non habent; nam reus ante sententiam non tenetur ad poenam, Judex autem observare illam non obligaretur, igitur nemo esset, qui Lege illa stringeretur.

Dixi autem, per se loquendo; nam si per accidens circumstantiae tales concurrant, ut Judicis arbitrio ad aliorum terrorē infligenda sit poena major ordinariā, potest illam eo casu Judex infligere, & poenam augere. Tales circumstantiae aggravantes præ ceteris sunt 1. locus delicti, ut si quis in templo, theatro, foro, vel conspectu Superioris deliquerit; nam hic gravissimū puniri meretur quam ille, qui scelus in loco privato, & clām commisit l. aut facta 16. §. locus 4. ff. b. tit. 2. tempus delicti; nam delicta noctu patrata, quia difficilius caeventur, plūisque terroris habent, atque periculi, severius puniuntur l. aut facta cit. §. tempus 5. 3. persona, contra quam delinquitur; nam atrocius crimen est, quod contra dominum, patronum, parentem, Sacerdotem, aut Principem attentatum est, cons. atrociori poenā dignum l. cit. §. persona 3. 4. iteratio, & frequentatio delicti l. capitalium 28. §. solent 3. & §. grossatores 10. ff. b. tit. nam relapsus in idem scelus frequentior incorrigibilitatem arguit. Magnif. P. Schmier p. 1. de Delict. c. 3. n. 60. qui n. 61. cum Anton. Matth. ad Libr. 48. tit. 18. c. 4. n. 28. addit, non hoc ipso pro incorrigibili habendum illum, qui tertia vice deliquerit; nam neque Medicus illico pro abjecto, & desperato habet eum, cui tertia potio, vel medicamentum non profuit. Hinc Judex non numerum duntaxat Delictorum, sed qualitatem Delicti admissi, & animum, statem, consuetudinem Rei explorare debet,

bebit, ut omnibus collatis judicare possit, quid spē reliquum sit.

40 Similiter potest Judex inferior aliquando pœnam Lege constitutam minuere, si circumstantia crimen minuant, aut diminutionem pœnae suadeant. Tales circumstantia sunt 1. si Delictum non ex proposito, sed ex ira, subitanæ rixa, ebrietate, justo dolore &c. commissum est 1. perspicendum 11. §. delinquitur 2. ff. b. tit. 2. quando aliquis deliquerit ex instanti, & iussu alterius magis, quam motu proprio. P. Schmier l. cit. n. 44. 3. infirmitas animi, qua colligitur vel ex fœtu, si fœmina, vel ex ætate, si impubes, aut minorennes deliquerit. Begnudell. V. pœna n. 17. Engl. hic n. 4. Schmier n. 45. 4. Infirmitas corporis: ob hanc mutare pœnam potest Judex, si pœna criminis sit amputatio membra, reus vero sit ad eo infirmus, ut amputato membro credatur omnino decollatur: idem dic, si manus ex Lege sit præcidenda, & reus sit unanimus, si oculus eruendus, & reus sit monocularis. Ant. Matth. c. 4. cit. n. 21. Schmier n. 46. §. 47. 5. Spontanea Rei confessio: ob quam mitigare Judex supplicium iuxta Carpzov. pract. crim. q. 149. n. 23. §. seqq. & apud istum cit. potest, siue delinquens confessus sit sponte, ultiro se Judici fistendo, siue citatus à Judice ex meitu probatum; quamvis contrarium teneant Ant. Matth. tit. 18. cit. c. 5. n. 3. Haun. tom. 6. de J. §. f. tr. 3. n. 550. Quidquid sit, illud, apud omnes receptum est, quod in Productionis, & Majestatis criminis is, qui prodictionem excitatam, vel excitandam dergit, non tantum mitigationem, sed plenissimam pœnae condonationem mereatur, et si ejusdem criminis complex fuerit l. quisquis s. §. fin. C. ad Leg. Jul. Majest. 6. Diuturnitas temporis l. si diutino 25. pr. ff. b. tit. quod tum saltē verum est, quando delinquens se penitus emendavit, & ab omni alio delicto abstinuit. Farin. prax. crim. q. 10. n. 84. §. seqq. Carpzov. q. 141. à n. 70. Begnudell. V. pœna n. 6. §. 17. Schmier n. 52. §. 53. 7. Prolongatio Carceris; qui enim carceris pudorem, & moletias diu sustinuerunt, partem commeriti supplicii jam sustinuisse censetur l. omnes 23. C. b. tit. quod tamen intelligendum duntaxat, quando reus præter culpam suam, & ex sola Judicis mora in carcere diuturniore detentus fuit; nam si ipsem tergiversatione propria, & malitiosa Proculius inquisitorii, ac defensionis protractione carceris angustias sibi prostravit, habet, quod sibi imputet, nec pertinaciâ suâ tueri se poterit.

41 Causa plures panduntur ab aliis, ob quas pœna, & supplicium etiam ab inferiore Judice mitigari potest, veluti est nobilitas R. P. Schmalzgrueber L. V. T. II.

sanguinis, honestas vitæ anteactæ, merito rum in Rem publicam decus, & gloria libe-
rorum copia &c. de quibus consuli pos-
funt Ant. Matth. c. 5. cit. n. 5. §. seqq.
Carpzovius q. 142. §. seqq. usque ad 149.
inclusive: adeò ut in communem hodie Regulam transisse videatur, quod pœnae
criminum nostro tempore arbitria sunt.
Guazzin. defens. reor. 33. c. 16. n. 2. Val-
lens. hic §. 4. n. 3. Engl. n. 5. Reiffenstuel n.
12. Quod intelligendum juxta explicati-
onem haec tenet, si scilicet concur-
rat circumstantia aliqua aggravans, vel di-
minuens delictum, ut bene advertit Reif-
fenstuel l. cit. Et hoc maximè verum
est in Jure Canonico, præsertim circa Cen-
suras Ecclesiasticas, circa quas Trid. sess.
25. c. 3. de Reform. mandavit, ne Judices
Ecclesiastici faciles sint in illis ferendis, nisi
omni alio modo desistuntur, cum expe-
rientialia doceat, Censuras Ecclesiasticas, le-
vibus de causis latas, contemni potius,
quam observari. Engl. hic n. 5. §. 6.

Præcipue in mitigandis, vel aggra-
vandis pœnis, considerare Judex conſue-
tudinem delinquendi debet; nam si adver-
terit, quod reus malam contraxerit con-
fuetudinem, adeò ut exiguum, vel nullam
spem emendationis ostendat, non nimis
clemens esse debet juxta illud Exod. 22. v.
18. Maleficos non patieris vivere & illud
Isaïæ 26. v. 10. Miserearum impio, & non
disset Iustitiam; quia periculum erit, ne
paulatim Civitas, vel Provincia malis ho-
minibus repleatur, & tales Rei, per ni-
miam lenitatem Judicis liberati, perpe-
trent graviora crima, quæ ipsi Judici tali
cau non minima ex parte imputari pore-
runt. Quare insculptum cordi suo Ju-
dex habebit monitum Marciani l. perspicien-
dum 11. pr. ff. b. tit. ubi, Perspicendum, in-
quit, est judicanti, ne quid aut durius, aut re-
missius constituantur, quam causa depositit; nec
enim aut severitatis, aut clementia gloria effe-
ctuanda est, sed perpenso judicio, prout quæque
res expostulat, statuendum est.

Neque contrarium probant Argu-
menta n. 36. allata. Ad 1. textus ille
§. Aug. intelligendum est in sensu haec tenus
explicato, scilicet in potestate Judicis esse
mollire sententiam, & mitius vindicare,
cum circumstantia istud suadent. Ad 2.
Judices sœpe augent, vel minuunt pœ-
nas ultra taxam Legis in particulari, non
tamen ultra taxam Legis absolute; Lex
enim specialis imponit pœnam delicto,
ut frequenter committi solet: at si spe-
cialegravitatem, & deformitatem ha-
beat, ob illam pœna augeri potest; quia
id alius Legibus præscriptum est, prout sumi-
tur ex l. quid ergo 13. §. pœna 8. ff. de bis, qui
not. infam. Contrà vero, si delictum non
attingat gravitatem communiter conting-
tem,

tem, prout sit in casibus n. 40. relatis, poterit poena temperari. Ad 3. bene interpellatur Judex pro mitigando, vel remittendo etiam delinquenti suppicio, in iis circumstantiis, in quibus hoc in ejus est potestate, non verò in iis, in quibus illud in ejus potestate situm non est.

44. Quæritur s. an debeatur à reo poena in conscientia ante sententiam? Distinguendum inter penas ferendas sententiae, & inter eas, qua ipso facto incuruntur. De primis certum est, non deberi illas ante sententiam; quia tunc Lex ponit potius penam designatam à Judente, quam designatam. igitur antequam designetur, ad eam reus non obligatur. Et procedit hoc in omni poena Legali, qua est ferenda sententia.

45. Idem dicunt aliqui etiam de Poena Conventionali, nisi pars altera petat; quia si non petit, videtur condonare. Pendet tamen res hæc ex partium conventione: unde videndum, quâ mente convenierint partes in penam Contractui appositam. Quando de mente contrahentium non satis constat, dissident inter se DD. nam *Felinus*, *Decius*, *Paladanus* &c. volunt, eam debet in conscientia, etiam parte non petente, ante omnem sententiam Judicis. *Covar.* *Menoch.* *Molin.* *Gautier.* *Suar.* *Bonacini.* &c. contendunt, eam tum solùm deberi ante sententiam, quando petitur. Palao autem tr. g. D. 2. p. 30 n. 4. cum *Navarro*, *Beja*, *Leff.* *Sanch.* *Vasq.* &c. probabilius putat, non deberi hanc penam, quoque à Judge declaretur. Rationem dat, quia mens contrahentium, nisi aliud verbis exprimatur, videtur esse, ut solùm obligare ad penam se velint, condemnatione ad istam per Judicem facta. Quod confirmat, quia in dubio contrahentes intelligi debent apposuisse penam juxta Regulam penarum Juris communis, quæ non obligant ante latam sententiam saltem declaratoriam. Quare

46. Dubium præcipue, & 1. est, an poenæ ipso Jure late subeundæ sint ante omnem Judicis sententiam? In quo iterum inter DD. convenit 1. ita contrahi Censuras: & hinc, qui delictum commisit, cui ipso Jure inflata est pena Excommunicationis, Suspensionis, vel Interdicti, statim à communione fidelium, administratione Beneficii, vel Officii, & Divinorum participatione absinere tenetur, ut colligitur ex can. si quis suadente 29. caus. 17. q. 4. & tot. tit. de sent. Excomm. & de Homicid. Sot. l. 1. de just. q. 6. art. 6. concl. 2. Salas de Legib. D. 15. sed. 2. u. 29. ¶. inhabilitas. Sanch l. 9. de matr. D. 30. n. 1. &c. 2. *Suar.* de LL. l. 5. c. 5. n. 5. Wiestner bic n. 13.

Convenit inter eosdem 2. ante omnem sententiam observandas esse varias Irregularitates, & inhabilitates ad suscipiendos, vel exercendos SS. Ordines, ad obtinenda Beneficia Ecclesiastica, ad Suffragium in Elezione ferendum, ad contraendum Matrimonium &c. *Suar.* l. 5. cit. e. 9. à n. 2. Laym. l. 1. tr. 4. c. 15. n. 5. Wiestner bic n. 14. Ratio hujus, & prioris Numeri est, quia ita est usoreceptum, & quia convenientis erat, ut Ecclesia, que Spiritualem subditorum profectum spectat, aliquas haberet penas, quibus à committendis delictis, quantumcumque occulis, arceret.

Convenit 3. inter plerosque, posuisse Legislatores obligare ad subeundas etiam alias, & propriæ dictas penas tam positivas, quam privativas, si moderatae sint, ante omnem Sententiam; quia ejusmodi penæ, nisi mortis, mutilationis, exili, vel alia similis foret, executio à Reo facienda rationabiliter potuisset sperari. Castro de Leg. Fœnal. l. 1. tr. 4. c. 15. Wiestner n. 14. ¶. convenit inter plerosque contra Sot. l. 1. de Just. q. 6. art. 6. & Cajet. 2. 2. q. 6. n. 3. quorumprior generaliter, posterior quod pñas positivas diffentit.

Difficultas est, an hujusmodi penæ non adeò graves defacto ita latæ sint, ut subiri debeant ante omnem Sententiam ¶. distinguendo; nam si pena sit positiva, defacto non constat, quod illa ex illis in Jure Canonico, vel Civili sic lata sit, ut ad eam, sic exequendam in se, reus ante omnem Sententiam Judicis obligetur. Salas de LL. D. 15. sed. 3. n. 49. *Suar.* de LL. l. 5. c. 7. n. 6. Palao tr. 3. D. 2. p. 2. n. 6. Wiestner bic n. 15.

At si privativa sit, videndum, an priuget jure primum querendo, an vero jam plenè quæsito. Si priuget jure primum querendo, aut nondum plenè quæsito, pena hujusmodi Jure lata delinquentem ante omnem Judicis sententiam afficit. Et hinc ante omnem Judicis sententiam dimittere tenetur Beneficium Parochiale, qui intra annum suâ culpâ non ordinatur. Sacerdos c. licet 14. de Elec. in 6. & Episcopus Episcopatum, si intra sex menses à die Confirmationis obtentæ non consecratur. Trid. Sess. 23. c. 2. de Reform. Similiter pro ratione temporis dimittere tenetur fructus Beneficii sui, qui Horas Canonicas recitare neglit, ex Motu proprio S. Pij V. incipit Ex proximo 12. Calend. Oct. 1571. *Navar.* *Man.* c. 25. n. 122. Palao p. 2. cit. n. 7.

Si vero pena sit privativa Juris jam plenè quæsiti, præter Censuras, Irregularitates, & privationem Juris petendi debitum in coniuge incestuolo, nulla alia regulariter hodie ante Sententiam omnem Judicis ita

ita afficit delinquentem, ut iste jus istud suum teneatur dimittere. Covar. p. 2. de Sponsal. c. 6. § 8. n. 8. & 10. Castrol. 2. de j. & Hæret. punit. c. 9. Less. l. 2. de J. & J. c. 29. à n. 63. Salas de LL. D. 15. à n. 46. Vafq. de LL. D. 178. c. 4. n. 25. Sanch. l. 2. de Matr. D. 53. à n. 5. & l. 7. D. 89. n. 11. Palao p. 2. cit. n. 8. Wiestner hic n. 18. & hoc teste communis aliorum. Ratio est, quia in pœnis benignior interpretatio est facienda. Reg. in pœnis 49. in 6. Conf. quia ita obtinuit usus, & consuetudo, ut ad hujusmodi pœnarum, & privationis plenarium effectum sententia, saltem criminis declaratoria requiratur arg. c. cùm secundum 19. de Hæret. in 6. ex cuius dispositione Hæreticorum bona, quibus à die commissi criminis ipso Jure privantur, ante talem sententiam fisco tradi non debent, neque ab illo possunt occupari.

⁵² Et hinc usque ad Sententiam declaratoriam criminis retinere possessionem Beneficii sui potest Canonicus, qui occidit Prælatum, vel aliud Clericum suæ Ecclesiæ, et si isto ipso Jure privatus sit c. in quibusdam 12. v. Sacri b. tit. Item Clericus alius, qui Beneficii suis privatus ipso Jure est ob percussionem Clerici c. felicis 5. eod. in 6. & verisimilius etiam Clericus, qui propter commissum Assassinum Beneficium, vel Officium c. pro humano 1. de homicid. in 6. & Prælatus, qui ob male factam rerum Ecclesiasticarum alienacionem Extrav. un. int. comm. de reb. Ecl. non alien. vel aliud Delictum commissum Prælaturæ suæ Dignitatem ipso Jure amiserunt, Suar. de Simon. c. 43. n. 13. fin. Barbol. in c. cùm secundum cit. n. 8. Wiestner hic n. 18. & 19. cum aliis.

⁵³ Neque obstat, quod c. pro humano cit. Clericus Assassinus Beneficium suum, & Extrav. cit. Prælatus Dignitatem amittere dicatur absque alia declaratione, & ita, ut liberè aliis possit conferri; nam in primo textu additur, Postquam de crimine probabilitibus confiterit argumentis, quo innuitur, opus ad hoc esse notitiâ publicâ; & posterior textus in tanto rigore non est usu receptus, ut observant Navar. Man. c. 27. n. 15. Suar. l. 5. de LL. c. 8. n. 14. & 15. Sanch. l. 7. de Matr. D. 53. à n. 5. Salas D. 15. de Legib. à n. 46. Wiestner hic n. 19. fin.

⁵⁴ Dub. 2. utrum casu, quo Lex ipso Jure imponit Publicationem bonorum, reus ante Sententiam declaratoriam statim amittat bonorum illorum dominium? Negant aliqui, amitti etiam per Legem, quæ ipso Jure sine facto hominis publicationem bonorum decernit ob crimen commissum. Moventur textu l. qæstum 15. pr. ff. qui, & à quib. manumiss. liber, non sunt &c. ibi, Quoniam ante damnationem dominus est, in casu

scilicet læsa Majestatis, ob quam induci publicationem bonorum ipso Jure extra dubium est. Conf. nam verba ipso jure, ipso facto habent conditionem sibi adjectam, si videlicet sequatur Sententia declaratoria.

Sed his non obstantibus, videtur ad ⁵⁵ hærendum sententia affirmativa, scilicet dominium hoc ipso amitti. Ita Suar. l. 5. de LL. c. 8. Less. l. 2. de Just. c. 29. n. 64. Sayr. Clav. Reg. l. 3. c. 9. n. 30. Azor p. 1. l. 5. c. 7. q. 2. & l. 8. c. 12. q. 2. & plures alii apud Sanch. l. 2. mor. c. 22. n. 2. quamvis ipse contrarium sentiat. Eandem sententiam etiam tenet Zos. hic n. 21. & hoc teste communior DD. Ratio est, quia verba ipso Jure non sunt frustranea, essent autem, si, ut operarentur aliquid, opus esset sententiâ, cùm igitur, ut operarentur effectum, non sit necessaria sententiâ condemnatoria, dicendum est ipso Jure induci privationem domini. Conf. sententiâ declaratoria non inducit pœnam, sed declarat jam incursum. igitur extenditur, & retrotrahitur usque ad diem commissi delicti, cui jure, & facto ipso alligata est ea pœna, quasi jam tum lata fuisset Sententia condemnatoria, hoc autem non fieret, si primum per Sententiam declaratoriam induceretur bonorum privatio. ergo &c.

Ad Argumentum in contrarium allatum ⁵⁶ dico, verba illa Dominus est, intelligi debere de possessione, & usu rerum, quem rectè obtinet reus usque ad sententiam declaratoriam: ceterum dominium amitti sat clare patet ex l. fin. ff. ad Leg. Jul. Majest. quæ post mortem Rei, nullum crimen purgetur a successoribus, & hæredibus, permitit hæreditatem fisco vindicari. Ad Conf. male intelligitur illa conditio adjecta; nam c. cùm secundum 19. de Heret. in 6. in similibus casibus dicitur dominium ipso Jure amitti, & tantum additur, occupationem bonorum differendam ad Sententiam declaratoriam.

Idem, quod modò dictum est de ⁵⁷ confiscatione bonorum, pariter dicendum, cùm delicto Jure ipso imposita est pœna privationis Beneficii jam obtenti: nam ut hoc dimittere teneatur Clericus, opus est Sententiâ Judicis declaratorâ; ante hanc autem licet Beneficium adhuc retinere potest, quamvis fecerit postea Sententiâ declaratoriâ, restituere teneatur fructus, post crimen admisum perceptos.

Discrimen ergo inter privationem ⁵⁸ per sententiam condemnatoriam, & inter eam, quæ sit ipso Jure, est, quod licet ut rimque retineatur possessio usque ad sententiam, in primo tamen casu retineatus post crimen commissum etiam dominium, & proprietas rei, quâ delinquens propter crimen privatus venit, in secundo autem statim à tempore commissi delicti illam amittat.

59 Imò, ut Vallenf. b.c §. 3. n. 1. adverit, si quis per sententiam privatus Beneficio, à Sententia privationis appellavit, durante Appellationis Judicio, nondum censeri debet privatus Beneficio: ac proinde, si interim resignet Beneficium, valida erit Resignatio, licet illud jam antè ob privationem fuerit obtentum ab alio: & hoc pro indubitate praedicari in Curia Romana ex Piaje-
cio testatur Vallenf. l. cit.

60 Dub. 3. quid operentur verba *absque alia declaratione*, vel *nulla monitione prævia*. addi non raro solita in Legibus, quæ Jure, & facto ipso privant rebus antè possessis? Aliqui cum *Covarruvia* putant, adhuc opus esse sententiâ declaratoriâ criminis. Melius tamen negatur cum Zœlio hic n. 22. sed ubi verba hæc in Legge, pñam dictante, sunt addita, nisi aliter consuetudo receperit, continuò, commissio criminis, pñna dari executioni potest: & ratio est, quia verba *absque alia declaratione*, debent aliquid operari, ne frustra dicantur posita, & quidem aliquid ultra verba *ipso jure, ipso facto*, atqui verba *ipso jure* jam operantur hoc, ut prout dictum est n. 33. tollant reo dominum rerum suarum, & occupationem solum differant ad sententiam declaratoriam, igitur verba illa adjecta dici debent etiam hanc tollere, & permettere executionem, nulla præmissa declaratione.

61 Advero tamen cum eodem Zœl. n. 23. etiam hoc casu reum bona sua non teneri ante sententiam deferre ad fiscum, sed uti iisdem posse, donec declaratio sequatur: & ita habet communis praxis, teste Zœl. l. cit. & ratio est, quia rationi non videtur conscientaneum esse, ut reus gravissima sua pñœ, qualis est confiscatio honorum, ipse sit executor. Verum eti si usum rerum illarum obtineat, antequam occupentur, occultare tamen Iustitiae Ministris bona illa non potest; quia jam aliena sunt. Quodsi tamen negligentiâ fisci absque suo facto aliqua non fuerint occupata, indicare non tenebitur; sic enim teneretur ad oblationem: sed satis erit, si permittat ea sibi auferri.

62 Idem dicendum casu, quo per sententiam addicta fisco sunt alicuius bona. *Excipitur*, si sententia justa solum fuerit in foro externo, quòd Judge secundùm allegata, & probata processerit: tunc enim, si reus revera sit innocens, non obligatur in conscientia ad sententiam, sed subterfugere pñam, clanculim subtrahendo, potest: executioni tamen Judicis, si evitare illam sine violentia, & scandalosa resistentia nequeat, parere tenebitur: quia quando Judge secundùm allegata, & probata procedit, Judge utitur potestate sua, cui resistere subdi-

to nunquam est licitum. Palao tr. 3. D. 2. p. 4. n. 1.

Dub. 4. quas poenas teneatur exequi⁶³ delinquens post laram sententiam? w. cum discrimine inter poenas. Nam 1. si poena sit supplicium capitis, mutilationis, aut verberationis gravis, nemo per Legem, aut sententiam condemnatoriam obligari potest ad eam sibi ipsi inferendam, e.g. ad abstinentiam à cibo, ut fame, vel iumentum venenum, ut veneno moriatur, licet alias mortem sit meritus. Suar. l. 5. de LL. c. 7. fin. & c. 10. n. 12. Vafq. D. 173. Bonac. D. 1. q. 1. p. 7. §. 2. n. 29. Palao p. 4. cit. n. 2. quia bono communi non expedit delinquenti obligationem istam imponere, ut ipse sui ipsius vindex sit, cum satis sit, si delinquens, quando poena talis ab alio imponitur, patienter illam sustineat.

2. Si poena sit carcer diuturnus, vel⁶⁴ exilium, tenetur reus ad eam condemnatus illam in seipso exequi, si ad illam executionem condemnatur sententiâ ultimâ, quam appellatione, vel alio remedio Juris infirmare non possit: unde non potest à carcere fugere, vel ab exilio exire; quia est justa sententia, & præcepto iusto parentum est. S. Thom. 2. 2. q. 62. art. 2. Tiraquell. in l. si unquam C. de revoc. donat. V. revertatur n. 291. Navarr. Man. c. 23. n. 66. Sayr. Clav. Reg. l. 3. c. 9. n. 4. Salas D. 15. de LL. scđ. 2. n. 33. Azor p. 1. l. 5. c. 8. q. 6. Suar. c. 10. cit. a. n. 5. Bonac. n. 33. Palao n. 4. & ab his cit. *Excipitur*, nisi carcer sit durus, & tristis; nam in hoc, ut cum Suarez existimat Palao n. 5. non tenetur reus persistere, præsertim si ibi male tractetur. Et idem dicendum, si condemnatur ad exilium in terra infalubri, vel longo tempore ad tritemes, aut ad quamlibet aliam actionem de se nimis molestam; quia nimis inhumanum videtur esse, ut obligetur reus esse minister poenæ adeò molestæ contra se ipsum. Palao l. cit.

3. Si poena sit pecunaria, ex com-
muni sententiâ obligatur reus illam solvere, postquam ad hoc per sententiam condemnatus est, vel si talis sit, ut ipso facto incurritur, postquam Judge tulit sententiam criminis declaratoriam, & quod ita pronuntiatum est, nec appellatione, nec alio Juris remedio suspendi, aut infirmari potest. Salas n. 82. §. 106. Suar. c. 7. n. 7. Bonac. n. 30. Palao n. 6. Requiritur tamen, ut petatur ab eo, cui est solvenda; quia ita habet praxis, & usus communis: hinc quando non petitur, refinare eam reus potest, & prudenter præsumere eam sibi condonari. Palao l. cit.